

鞏縣志卷之十七

鞏縣知縣李述武纂修

金石志

金石文字可以補史傳所不及嗜古之 珍之殘
螭斷鳳蓋亦考鏡得失之林也然其出也有時或在
千百年後若神物為呵護焉鞏得邑為最遠茲所搜
考者較他邑寥寥焉其為風雨所沉埋兵燹所灰燼
多矣嵩之陰邛之垂豈無拭土繡於荒榛敗塹中者
乎俟其人待其時而已志金石

帝堯雒壁書

佚

尚書中侯帝堯率羣臣東沉於雒刻

鞏縣志

第五册

卷之十七 金石

四十四

壁書曰天子臣放勳德薄行不元

施府志按水經

注洛水入河處謂之洛汭黃帝東巡河過洛修壇沉
壁帝堯修壇河洛擇良議沉又東沉書於日稷遂禪
於舜其謂沉書於日稷者即尚書中侯所謂雒壁書
也繫其事於洛汭下即今鞏縣洛汭為沉書處刻書
於壁稱天子臣者天子天之臣尊親之也放勳堯
號德薄行不元元善也不元者自責之辭也對天自
責將以禪舜也

晉九山廟碑

佚

水經注九山廟碑云九顯靈府君者

太華之元子陽九列名號曰九山府君也南據崧岳

北帶洛澁晉元康二年九月太歲庚午帝遣殿中中郎將關內侯樊廣緱氏令王與傅演奉宣詔命興立廟殿焉 **施府志**九山在鞏縣西南金石考入登封誤水經注箋太歲庚午一作太歲在戌皇帝遣云按世譜晉元康二年太歲在壬子用歷經推之是年九月乙亥朔無庚午日今詳所記太歲在九月下古人無記太歲在月下一例恐傳寫舛譌或是衍文又緱氏令王與傅演宋本作緱氏令王與主簿傅演

晉百蟲將軍顯靈碑 佚

水經注九山又有百蟲將軍

顯靈碑云將軍姓伊氏諱益字隴歆帝高陽之第二

鞏縣志

第五册

卷之十七 金石

四十五

子伯益者也晉元康五年七月七日順人吳義等建立堂廟永平元年二月二十日刻石立頌贊示後賢矣

晉潘岳父墓碑 佚

水經注羅水逕潘岳子父墓前有

碑岳父茈瑯琊太守碑石破落文字缺敗

晉潘岳墓碑 佚

水經注岳碑題云給事黃門侍郎潘

君之碑文云君遇孫秀之難闔門受禍故門生感覆醢以增慟乃樹碑以記事太常潘尼之辭也

北齊小平津古冢銘 佚

三齊典略齊王澄以舟師還

次小平津津岸古冢崩有銘曰今卜高原千秋之後

化爲下泉當逢霸王必爲改遷令更葬之

按北齊文紀亦載此銘無名氏撰但以津岸爲北岸與與畧原文異今考小平津在鞏齊王所次必在南岸近邙山若在北岸地既不名小平津且無高原古冢何自而崩乎

隋白雲寺石幢

開皇口年存

施府志鞏縣西南乾溝

休水澗西有白雲寺土人新掘出隋開皇間石幢一而文稱雙寶柱似尙有一埋土中也

唐康冰文石

佚

工部全集載逸事云甫十餘歲夢人

令采文石於康水依言得一石文云詩人本在陳芳國九夜捫之麟篆熟聲振扶桑享天福

按少陵逸事載少陵先生少時遇仙人授一符令於康水採文石先生佩之而往歸見仙人仙人曰

鞏縣志

第五册

卷之十七 金石

四十六

子 菲肆觸吾符 令子文而不貴

唐尊勝陀羅尼經石幢

存

金石考開元十九年左率

府長史王元明立在石窟寺即淨土寺石幢筆法古

未詳何人所書

按石幢先刻陀羅尼經末刻唐開元十九年歲次辛未十一月景午朔十五日庚申前左率府長史王元明建立此幢又記唐大中八年歲次中戊正月丙戌朔二十六日辛亥再立石幢又記漢乾祐年初歲次涖灘月建辛酉五日辛巳重立此幢但唐諱丙故丙戌作景戌而大中下又直作丙戌不諱豈至宣宗時世久遠便不諱歟

唐佛頂尊勝陀羅尼經石幢

存

石刻儀鳳元年立

按石 在西南蘇 村保關帝廟內

唐淨土寺故禪大德演公塔銘 存 石刻唐貞元十八

年歲次壬午正月二十二日建鞏縣尉楊叶撰明經

劉鈞書

唐淨土寺西院故大德禪和尚塔銘 存 石刻貞元十

八年正月二十六日建僧澄直撰

唐淨土寺太德塔銘 存 石刻元和十四年四月初八

日立釋門弟子文澁撰王淑清書

唐淨土寺毗沙門天王碑 存 石刻中和二年正月十

八日立朝議郎 河南府鞏縣令王扎撰將仕郎

守右令軍衛 叅軍韋薰書

鞏縣志

第五册

卷之十七 金石

四十七

後唐佛說尊勝陀羅尼經石幢 存 石刻長興三年壬

辰歲八月己酉朔二十三日辛未立 金石考長興

三年在石窟寺立

宋太平崗石碑 佚 舊志太平興國二年帝入永安駐

驛洛口賜西山曰太平崗新進士及第呂蒙正奉勅

書石隸書也雍正四年石猶存後河南徙沒於水

按綱目太平興國二年春二月賜禮部進士呂蒙正等及第夏四月葬永昌陵永昌太祖陵也在鞏西南帝自汴送則洛口為所必經之道駐驛崗下蒙正扈從賜名書石理有可信石廣四尺高二尺中鐫太平崗三字旁一行小字云太平興國二年四月己未臣呂蒙正奉勅書又按東都事畧四月乙卯葬永昌陵今立石以己未送葬之後四日意者由鞏返汴駐驛洛口偶觀山勢雄勝因

賜名乙卯以前塋期
逼迫固無暇立石也

宋佛頂尊勝陀羅尼神咒幢 存

石刻景德元年六月

二十四日建知鞏縣事曹寺丞幢子記前太常博士

直史館張孝隆 監主簿張師錫書

按曹寺丞諱格字
仲則絳郡太平人

宋羅漢寺禪院碑 存

金石考天聖八年張觀奉勅撰

李九思書並篆額

宋皇從姪衛州防禦使遂國公墓銘 金石考嘉祐五

年歐陽修撰又歐公集載皇從姪筠州團練使安陸

侯康州刺史高密侯右監門衛將軍廣平侯皇從孫

鞏縣志

第五册

卷之十七 金石

四十八

監門衛將軍右屯衛大將軍武當侯右監門衛將軍
夫人周氏右監門衛將軍夫人金堂縣君錢氏武昌
君郭氏東陽縣君鄭氏俱葬河南永安縣修各爲撰
銘

宋華陰侯仲連墓銘 金石考熙寧二年見溫公集

宋右屯衛大將軍令邦墓銘 金石考熙寧二年見溫

公集

宋皇從姪右屯衛將軍士虬墓記 金石考熙寧三年

見溫公集在永安縣

宋西京鞏縣大力山淨土寺住持寶月在師碑銘

石刻紹聖三年十二月二十二日立舟川退叟贊皇
李洵遠游篋並書雲寮居士高陽許顛德制篆額永
定陵都監供備庫使李宗立立石 見金石考

宋慈聖光獻皇后銅鐘讚 存

石刻建中靖國元年九

月 日奉議郎知鞏縣事賜飛魚袋臣宋直方撰並
書 讚稽首圓通圓覺主圓含一切救有情圓修自
性妙湛然假以音聲而說法衆生聞音得悟解非色
非空亦非塵方便無邊行法門成就如來大圓智稽
首巍巍觀世音證人如是秘密門於一塵中現多身
於多刹塵現一相於不可說微塵劫而救不可說衆

鞏縣志

第五册

卷之十七 金石

四十九

生發起耳根直實門不與世間相流轉世間聲論已
宣明聲無無滅有非生生滅二諦悉圓口六根由是
皆解脫奇哉慶喜最多聞不知聞性常周普因鐘而
聞佛所呵不應更立鐘之事當知金鐘不可捨能於
未劫救沉淪茫茫六道迷昏衢得見鐘聲爲慧日悲
酸惡趣忍弃中得憑鐘聲超彼岸鐘聲有是大福力
能越苦海如智航我願一切諸衆生聞是鐘聲同證
覺

按讚刻寶月大師碑陰上圖二銅鐘形
刻大鐘六千觔小鐘三百觔讚作行書

宋昭孝禪院主辯證大師塔銘碑 存

石刻元祐八年

立駙馬都尉王詵撰并書翰林學士顧臨篆額

宋陀羅尼經石幢 存 石刻崇寧元年立

按上二石在康家店故城下為宋昭孝禪院遺址
碑埋土中乾隆五十年邑紳士康新民掘出立高
地

宋陀羅尼經序石幢 存 石刻政和三年立

按石在康家店壽聖寺宋神宗勅建昭孝禪院
至正和間改為壽聖寺後遭兵燹明初遷山麓

宋石窟寺佛頂尊勝陀羅尼經幢 存 石刻宣和三年

十月二十三日建懷州 書

宋陀羅尼經兩石幢

按幢在康家店牛王廟立額篆刻西京
永安縣橋西村餘字畫漫滅不可讀

鞏縣志

第五册

卷之十七 金石

五十

金鞏令牛承直題石窟寺詩 存 石刻大定十九年季

冬二十日書

按牛承直石刻金人舊志誤作元人詩行書舊志
詩中怡作悠凝帳作盈室漁作魚冷作幽崧作松
積翠作翠藹底作祗遠作朴刑
作間並從石刻正之載藝文

金中京敦請昭公長老祝壽文 摩崖存 石刻興復龍

門山寶應禪師第一代潛溪老人遷谷撰前中京留

守推官少中李公華國書 楷 中京上清宮玉清真武

公大順題額金興定三年三月 日

金鞏縣大力山石窟十方淨土禪寺嵩洛軒記 摩崖存

石刻韶陽 霄道人高天瑞應之撰前汝州口中

大夫翟公進之書丹前汝陽縣令大中大夫隗公子
玉校勘金輿定四年重九日縣令奉政大夫溫敦頻

陳建

按額嵩洛軒記篆書旁淨土禪寺興
定己卯分書正文行書欸識俱分書

金淨土禪寺方丈遺軌

摩崖
存

石刻輿定五年住持傳

法長老嗣祖沙門祖和立

金石窟摩崖碑記

存

石刻中順大夫痔盧氏令楊公

唐臣撰大中大夫前開封縣令王公登庸書丹中大
夫京行院經歷楊公雲鄉題額

按記首刻輿定庚辰之秋
尾刻古唐楊起記俱分書

鞏縣志

第五册

卷之十七 金石

五十一

金石窟寺摩崖詩

行書
存

石刻禁幃不守人荒蕪三十

無兒年已枯賴有雲門輕着力幾乎醉倒没人扶詩
首題世尊初口輿定辛巳仲秋日

方丈侍

者雲惠習刊

金中京鞏縣石窟十方淨土禪寺初建釋迦牙像塔記

摩崖
存

石刻洛陽郭仲淵刊

金郭汾陽廟碑

存

周叙遊嵩記廟有古栢數百株蒼

翠蔚然可愛有碑二通一金元光二年天黨越琢撰
云是崗嘗出毒霧為災汾陽旋軍其上以 之毒霧
以息里人立廟祀之

元王公德政碑 存

石刻王公諱翱字飛卿彰德人任

鞏二年不容私謁不受饋獻折獄無留停縣有治偽
鈔者皆化爲良民鄭州司諭吳澤民撰文大德七年
洛口鎮劉德吳真王慶等立石

元重修文廟記 存

石刻至治二年翰林直學士山東

道宣慰副使薛友諒撰中大夫河南府路摠管兼本
路諸軍奧魯摠管管內勸農事劉郁書

按記稱皇慶癸丑田宰瑞創起大成殿三楹未
落成李茂梁仲郁二公繼嗣其政竟無完功延祐
七年十月新尹中山張瓚下車
云云粗脩修廟顛未故登之

元清河郡張公神道碑 存

金石考至元六年歐陽元

鞏縣志

第五册

卷之十七 金石

五十二

撰 **施府志**張公碑巉巉書據元史本傳稱其善書

法得晉人筆意輟耕錄載其自言一日能作三萬字
未嘗以力倦而衰

附佛龕題名

東魏天平二年五月十二日僧雲祥造佛一龕

按天平東魏孝靜年號天
平二年爲西魏大統元年

東魏天平二年五月二十四日比丘僧更造石像一區

西魏大統四年二月二十六日比丘僧靜造像二區

按大統爲西魏文帝年號查北史魏武帝永熙三
年魏主西奔丞相歡至洛陽追主不及遂集百官
耆老立清河世子善見爲帝遷都鄴改元天平世
號東魏是年閏十二月大丞相泰奉大宰南陽王

元象元年 立之 爲

四年

紀年蓋爾時沙門
奉西魏爲正朔也

北齊天保二年三月崔賔先造像一區

北齊天保九年六月十五日王明治造石像

北齊河清三年三月十七日造像

北齊天統元年三月三日比丘僧護敬觀世音像三區

唐龍朔元年四月八日河濱鄉楊表軌造佛一區

唐龍朔三年五月七日比丘僧法稗敬造釋迦牟尼佛

并二菩薩加業二金剛力士并造七佛

唐乾封三年二月十五日鞏縣令路厲節妻客女刊

鞏縣志

第五册

卷之十七 金石

五十三

唐總章元年四月二日李光嗣造彌陀像一龕

唐咸亨三年七月十日魏師德粧像一龕

唐天后延載元垂 月十八(○)比丘僧貞刊

唐天后久視元垂六月二十八(○)弟子程基敬造立釋

迦一區

唐咸通八年六月女弟子蘇氏重粧

附紀遊石刻

宋王子應李子才王求中弟剛中姪成伯劉中權元祐

己巳二月二十九日遊此再宿泛舟自洛口還溫

宋宣和七年季冬十九日安陽宋霄昂

金鞏令楊翟林公綺子立孟津令渾源雷思西仲河南
兵官會寧完顏沙里朮大定甲申四月十五日同來

鞏縣志

第五册

卷之十七 金石

五十四

鞏縣志卷之十七終